

PRIJEDLOG

Na osnovu člana 37. stav 1. tačka g) Ustava Zeničko-dobojskog kantona i člana 18. i 19. Zakona o budžetima u Federaciji Bosne i Hercegovine ("Službene novine Federacije Bosne i Hercegovine" , broj:102/13, 9/14 i 13/14) Skupština Zeničko-dobojskog kantona na _____ sjednici održanoj _____ 2014. godine, donijela je

ODLUKU

I

Daje se saglasnost na Finansijski plan Zavoda zdravstvenog osiguranja Zeničko-dobojskog kantona za 2015.godinu.

II

Ova Odluka stupa na snagu danom donošenja i objavit će se u Službenim novinama Zeničko-dobojskog kantona.

Broj: _____/14.
Datum, _____ 2014.godine.
Zenica.

PREDSJEDAVAJUĆI

Draženka Subašić

Pravni osnov i razlozi za donošenje

Pravni osnov sadržan je u članu 27. Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj:102/13) kojim je regulisano da Finansijski plan vanbudžetskog fonda sa odlukom o izvršavanju finansijskog plana donosi nadležni organ utvrđen zakonom, odnosno aktom tog fonda na način predviđen tim propisima i pod uvjetima određenim ovim zakonom.

Članom 103 Zakona o zdravstvenom osiguranju ("Službene novine Federacije Bosne i Hercegovine", broj: 30/97, 7/0270/08 i 48/11) utvrđeno je da Upravni odbor Zavoda zdravstvenog osiguranja Zeničko-dobojskog kantona donosi finansijski plan i završni račun.

Objašnjenje predloženih pravnih rješenja

Upravni odbor Zavoda zdravstvenog osiguranja Zeničko-dobojskog kantona na svojoj 14. sjednici održanoj dana 14.10.2014. godine, usvojio je Prijedlog Finansijskog plana Zavoda zdravstvenog osiguranja Zeničko-dobojskog kantona i Odluku o načinu izvršenja finansijskog plana za 2015. godinu.

Članom 28. Zakona o budžetima u Federaciji u Federaciji Bosne i Hercegovine regulisano je da odredbe čl. od 3. do 27. ovog zakona shodno primjenjuju kantoni, gradovi, općine i vanbudžetski fondovi.

Iz navedenog proizilazi da je potrebno da Skupština Zeničko-dobojskog kantona donese predloženu Odluku o davanju saglasnosti na Finansijski plan Zavoda zdravstvenog osiguranja Zeničko-dobojskog kantona i Odluku o načinu izvršenja Finansijskog plana za 2015. godinu.

Na osnovu člana 27. Zakona o budžetima u Federaciji Bosne i Hercegovine ("Službene novine Federacije BiH", broj: 102/13, 9/14 i 13/14) i člana 103. Zakona o zdravstvenom osiguranju ("Službene novine Federacije BiH", broj: 30/97, 07/02, 70/08 i 48/11), Upravni odbor Zavoda zdravstvenog osiguranja Zeničko-dobojskog kantona, na sedamnaestoj sjednici održanoj 31.01.2015. godine, donosi:

FINANSIJSKI PLAN
Zavoda zdravstvenog osiguranja Zeničko-dobojskog kantona
za 2015.godinu

Član 1.
(Opšti dio)

Ovim Finansijskim planom se utvrđuje obim prihoda i rashoda Zavoda zdravstvenog osiguranja Zeničko – dobojskog kantona (u daljem tekstu: Zavod) za 2015. godinu i to:

I	UKUPNI PRIHODI (1.1.+1.2.)	153.847.667
1.1.	Porezni prihodi	152.512.167
1.2.	Neporezni prihodi	1.335.500
II	UKUPNI RASHODI I IZDACI (2.1.+2.2.+2.3.)	153.847.667
2.1.	Rashodi (zdravstvena zaštita + mat.troškovi)	149.262.667
2.2.	Tekuća rezerva	3.000.000
2.3.	Kapitalni izdaci	1.585.000

Član 2.
(Posebni dio)

Prihodi i rashodi utvrđuju se u Bilansu prihoda i rashoda za 2014. godinu, kako slijedi:

A – PRIHODI

R/B	Opis ekonomskog koda	EKONOMSKI KOD	PROCJENA IZVRŠENJA FIN.PL I-XII 2014	FINANSIJSKI PLAN 2015	INDEX (5/4)	PROCJENA 2016	PROCJENA 2017
1	2	3	4	5	6	7	8
1	Doprinos za zdr.osiguranje - iz i na plaće	712111	131.490.690	139.800.000	106,3	142.761.720	145.736.696
2	Doprinos za zdr.osiguranje - korisnici penzija	712111	2.697.000	3.000.000	111,2	3.057.000	2.962.233
3	Doprinos za zdr.osiguranje - nezaposlena lica	712111	3.500.000	3.770.000	107,7	3.841.630	3.949.644
4	Doprinos za zdr.osiguranje - Budžet kantona	712111	200.000	460.000	230,0	469.120	498.902
5	Doprinos za zdr.osiguranje - sporazumi	712111	0	0	0,0	0	0
6	Doprinos za zdravstveno osiguranje od povremenog obavljanja samostalne djelatnosti i samostalnog rada	712116	750.000	910.000	121,3	894.960	912.859
7	Doprinos za zdravstveno osiguranje radnika u inostranstvu i inostranih penzionera - prihod od INO osiguranja	712191	4.500.000	4.572.167	101,6	4.637.520	4.730.270
8	SVEGA DOPRINOSI ZA SOCIJALNU ZAŠTITU - ZDRAVSTVENO OSIGURANJE (1+2+3+4+5+6+7) :	712000	143.137.690	152.512.167	106,5	155.661.950	158.790.605
I	SVEGA POREZNI PRIHODI:	710000	143.137.690	152.512.167	106,5	155.661.950	158.790.605
9.1.	Prihod od kamata za depozite u banci	721211	100	500	500,0	509	519
9	SVEGA OSTALI PRIHODI OD FINANSIJSKE I NEMATERIJALNE IMOVINE:	721210	100	500	500,0	509	519
10.1.	Prihod od pružanja usluga građanima (prodaja obrazaca)	722611	0	0	0,0	0	0
10.2.	Prihod od pružanja usluga pravnim licima (uvjerenja, tenderi)	722612	10	0	0,0	500	1.000
10.3.	Prihod od pružanja usluga drugim (participacija)	722613	1.200.000	1.300.000	108,3	1.323.400	1.349.868
10	SVEGA PRIHOD OD PRUŽANJA USLUGA GRAĐANIMA (10.1.+10.2.+10.3.):	722610	1.200.010	1.300.000	108,3	1.323.900	1.350.868
11.1.	Vlastiti prihodi budžetskih korisnika (prihod od iznajmljivanja poslovnih prostora, stanova)	722631	24.800	25.000	100,8	25.450	25.450
11	SVEGA VLASTITI PRIHODI:	722630	24.800	25.000	100,8	25.450	25.450
12.1.	Ostali povrati (ostali prihodi)	722719	3.000	10.000	333,3	10.190	10.394
12	SVEGA POVRATI IZ RANIJIH GODINA:	722710	3.000	10.000	333,3	10.190	10.394
13	SVEGA PRIHODI OD PODUZETNIČKIH AKTIVNOSTI I IMOVINE I PRIHODI OD POZITIVNIH KURSNIH RAZLIKA (9+10+11+12)	721000-722000	1.227.910	1.335.500	108,8	1.360.049	1.387.231
II	SVEGA NEPOREZNI PRIHODI:	720000	1.227.910	1.335.500	108,8	1.360.049	1.387.231
III	UKUPNI PRIHODI (I+II):	700000	144.365.600	153.847.667	106,6	157.021.999	160.177.836

B – RASHODI/IZDACI

R/B	Opis ekonomskog koda	EKONOMSKI KOD	PROCJENA IZVRŠENJA FIN.PL I-XII 2014	FINANSIJSKI PLAN 2015	INDEX (6/5)	PROCJENA 2016	PROCJENA 2017
1	2	3	4	5	6	7	8
1.1.	Bruto plaće i naknade plaća	611100	2.153.000	2.100.000	97,5	2.142.000	2.184.840
1.2.	Naknade troškova zaposlenih	611200	425.000	420.000	98,8	428.400	436.968
1	SVEGA PLAĆE I NAKNADE TROŠKOVA ZAPOSLENIH (1.1.+1.2.):	611000	2.578.000	2.520.000	97,8	2.570.400	2.621.808
2.1.	Doprinosi poslodavca	612100	210.000	215.000	102,4	219.300	223.686
2	SVEGA DOPRINOSI POSLODAVCA I OSTALI DOPRINOSI (2.1.):	612000	210.000	215.000	102,4	219.300	223.686
3.1.	Putni troškovi	613100	7.000	10.000	142,9	10.190	10.394
3.2.	Izdaci za energiju	613200	80.000	85.000	106,3	86.615	88.347
3.3.1.	Izdaci za komunikaciju	613310	50.000	53.000	106,0	54.007	55.087
3.3.2.	Izdaci za komunalne usluge	613320	36.500	37.000	101,4	37.703	38.457
3.3.	IZDACI ZA KOMUNIKACIJU I KOM.USLUGE (3.3.1.+3.3.2.):	613300	86.500	90.000	104,0	91.710	93.544
3.4.1.	Administrativni materijal i sitan inventar	613410	82.000	85.000	103,7	86.615	88.347
3.4.2.1.	Lijekovi sa esencijalne liste	613421	21.250.000	22.000.000	103,5	22.400.000	22.848.000
3.4.2.2.	Lijekovi po posebnom odobrenju	613421	585.000	700.000	119,7	706.526	720.657
3.4.2.3.	Ortopedske sprave i pomagala	613425	4.210.000	4.200.000	99,8	4.279.800	4.365.396
3.4.2.	MEDICINSKI I LABORATORIJSKI MATERIJAL (3.4.2.1.+3.4.2.2.+3.4.2.3.):	613420	26.045.000	26.900.000	103,3	27.386.326	27.934.053
3.4.	NABAVKA MATERIJALA I SITNOG INVENTARA (3.4.1.+3.4.2.):	613400	26.127.000	26.985.000	103,3	27.472.941	28.022.400
3.5.	Izdaci za usluge prijevoza i goriva	613500	12.000	13.000	108,3	13.247	13.512
3.6.	Unajmljivanje imovine,opreme i nematerijalne imovine	613600	110.000	260.000	236,4	264.940	270.239
3.7.	Izdaci za tekuće održavanje	613700	32.000	25.000	78,1	25.475	25.985
3.8.1.	Izdaci osiguranja	613810	7.000	10.000	142,9	10.190	10.394
3.8.2.	Usluge bankarskog i platnog prometa	613820	8.500	9.000	105,9	9.171	9.354
3.8.3.	Izdaci za negativne kursne razlike	613830	100	1.000	1000,0	1.019	1.039
3.8.	IZDACI OSIGURANJA,BANKARSKIH USLUGA I USLUGA PLATNOG PROMETA (3.8.1.+3.8.2.+3.8.3.):	613800	15.600	20.000	128,2	20.380	20.788
3.9.1.	Izdaci za informisanje (javno informisanje, objava oglasa, reprezentacija)	613910	12.000	18.000	150,0	18.342	18.690
3.9.2.	Usluge za stručno obrazovanje	613920	10.000	15.000	150,0	15.285	15.575
3.9.3.	Stručne usluge	613930	11.000	10.000	90,9	10.190	10.384
3.9.4.1.	Primarna opća zz - kanton (ugovori + prevoz kolima hitne pomoći + KZJZ + ZZBO+obrada za IK ZMR)	613941	37.830.000	38.570.000	102,0	39.464.000	40.203.500
3.9.4.2.	Preventivna zz - kanton (papa testovi)	613941	860.000	340.000	39,5	346.460	353.389
3.9.4.3.	Konsultativno - specijalistička zz van kantona (vanbolničko liječenje KCU Sarajevo, Tuzla i ostali)	613941	1.460.000	1.400.000	95,9	1.426.600	1.455.132
3.9.4.4.	Primarna zz štićenika u zavodima i domovima	613941	785.000	800.000	101,9	815.200	831.504
3.9.4.5.	Konsultativno - specijalistička zz – kanton	613943	10.770.000	14.450.000	134,2	15.275.120	15.570.622
3.9.4.6.	Bolnička zz sekundarnog i tercijarnog nivoa - kanton (ugovori + ZZBO + porodi + plućno)	613945	38.250.000	38.185.000	99,8	39.802.154	40.597.482
3.9.4.7.	Zdravstvena zaštita u specijalnim bolnicama	613945	775.000	800.000	103,2	815.200	821.504
3.9.4.8.	Bolnička zz tercijarnog nivoa van kantona (bolničko liječenje KCU Sarajevo, citostatici, Tuzla i ostali)	613946	6.530.000	6.600.000	101,1	6.732.000	7.140.000
3.9.4.9.	Sufinansiranje tercijarne zdravstvene zaštite - kanton (očno, imuno - alergološke usluge, czhr, biopsije, mikrobiološki testovi, urologija, mag.rezonanca,onkologija, mikrobiologija)	613946	4.350.000	4.000.000	92,0	4.076.000	4.157.520
3.9.4.10.	Liječenje u inostranstvu (konvencije i odluke Zavoda)	613948	3.400.000	3.300.000	97,1	3.329.406	3.395.994
3.9.4.	MEDICINSKE I LABORATORIJSKE USLUGE (SUMA OD 3.9.4.1. DO 3.9.4.10.):	613940	105.010.000	108.445.000	103,3	112.082.140	114.526.647
3.9.5.	Zatezne kamate i troškovi spora	613960	16.000	20.000	125,0	20.380	20.788
3.9.6.	Izdaci po osnovu drugih samostalnih djelatnosti i povremenog samostalnog rada (lijebarske komisije i upravni odbor)	613970-613980	330.000	345.000	104,5	351.555	358.586
3.9.7.	Ostale nespomenute usluge i dadžbine	613990	10.000	10.000	100,0	10.190	10.394
3.9.	UGOVORENE I DRUGE POSEBNE USLUGE (SUMA OD 3.9.1. DO 3.9.7.):	613900	105.399.000	108.863.000	103,3	112.508.082	114.961.064

3	SVEGA IZDACI ZA MATERIJAL, SITNI INVENTAR I DRUGE POSEBNE USLUGE (SUMA OD 3.1. DO 3.9.):	613000	131.869.100	136.351.000	103,4	140.493.580	143.003.498
4	SREDSTVA TEKUĆE REZERVE	600000	0	3.000.000	0,0	3.000.000	3.000.000
5.1.	Tekući transferi za zdravstvo (grant ZZBO)	614170	927.000	116.667	12,6	118.884	121.261
5.2.	Ustupljena participacija	614171	600.000	600.000	100,0	700.000	714.000
5.3.	Transferi pojedincima na području zdravstvenog osiguranja (refundacija bolovanja)	614250	7.390.000	8.900.000	120,4	9.069.100	9.250.482
5.4.	Tekući transferi zdravstvenim ustanovama i neprofitnim organizacijama	614310	49.500	550.000	1111,1	560.450	571.659
5.5.	Drugi tekući rashodi	614810	0	10.000	0,0	15.000	15.300
5	SVEGA TEKUĆI TRANSFERI I DRUGI TEKUĆI RASHODI (SUMA OD 5.1. DO 5.5.):	614000	8.966.500	10.176.667	113,5	10.463.434	10.672.702
I	SVEGA RASHODI ZDRAVSTVENE ZAŠTITE, MATERIJALNI TROŠKOVI I T.R. (1+2+3+4+5):	60000-614000	143.623.600	152.262.667	106,0	156.746.714	159.900.045
6.1.	Nabavka namještaja	821311	6.000	150.000	2500,0	50.000	51.000
6.2.	Nabavka kompjuterske opreme	821312	11.000	50.000	454,5	50.000	50.000
6.3.	Nabavka telefonske centrale	821313	0	15.000	0,0	15.285	15.591
6.4.	Nabavka stalnih sredstava u obliku prava (softver za trezor, licence)	821500	25.000	50.000	200,0	60.000	61.200
6.5.	Softver za informatizaciju zdravstvenog sistema	821500	0	120.000	0,0	100.000	100.000
6.6.	Rekonstrukcija zgrade	821614	700.000	1.200.000	171,4	0	0
6	SVEGA KAPITALNI IZDACI (SUMA OD 6.1. DO 6.6.):	820000	742.000	1.585.000	213,6	275.285	277.791
II	SVEGA KAPITALNI IZDACI (6):	820000	742.000	1.585.000	213,6	275.285	277.791
III	UKUPNI RASHODI I IZDACI (I+II):	600000+82000	144.365.600	153.847.667	106,6	157.021.999	160.177.836
IV	UKUPAN BROJ ZAPOSLENIH		84	84	0,0	85	86

Član 3.

Sredstva zdravstvenog osiguranja ostvaruju se uplatom doprinosa za obavezno zdravstveno osiguranje u skladu sa Zakonom o doprinosima ("Službene novine Federacije BiH", broj: 35/98, 54/00, 16/01, 37/01, 01/ 02, 17/06, 14/08 i 19/08), Pravilnikom o načinu obračunavanja i uplate doprinosa ("Službene novine Federacije BiH", broj: 64/08 i 81/08), Odlukom o osnovicama i stopama doprinosa za obavezno zdravstveno osiguranje u Zeničko – dobojskom kantonu ("Službene novine Zeničko – dobojskog kantona" broj:12/13), Odlukom o neposrednom učešću osiguranih lica u troškovima zdravstvene zaštite ("Službene novine Zeničko – dobojskog kantona", broj: 4/05 i 13/08) i manjim dijelom iz drugih izvora.

Član 4.

Kantonalni zavod, kao nosilac izvanbudžetskog fonda provodi izvršenje ovog plana ostvarujući funkcije prikupljanja i trošenja sredstava, uključujući i propisane postupke kontrole, evidentiranja i izvještavanja.

Član 5.

Plate i naknade zaposlenih su planirane u skladu sa važećom sistematizacijom i brojem zaposlenika (84) I sa trenutnom kvalifikacionom strukturom uposlenih: VSS-19, VŠS -11, SSS -51 i NSS -3. Zavod je u obavezi da pređe na sistem trezorskog poslovanja i da formira službu za internu reviziju, te će u toku 2015. godine biti neophodno uraditi i izmjenu sistematizacije radnih mjesta i prijem novih zaposlenika.

Član 6.

Za rashode za koje nisu predviđena sredstva ili nisu predviđena u dovoljnom iznosu, ukoliko se ukaže neodložna potreba, predviđena je tekuća rezerva. Sredstva tekuće rezerve, prema utvrđenom prijedlogu, odobrava Upravni odbor Zavoda.

Član 7.

Planirana sredstva utvrđena ovim Finansijskim planom će se raspoređivati prema namjenama srazmjerno ostvarenim prihodima, uz mogućnost preraspodjele utvrđenih sredstava između pojedinih rashodovnih stavki, najviše do 10% ukupnih rashoda utvrđenih Finansijskim planom. Odluku o preraspodjeli sredstava donosi Upravni odbor uz saglasnost resornog ministarstva.

Član 8.

U slučaju ispunjenja uslova iz članova 108. Zakona o zdravstvenom osiguranju ("Službene novine Federacije BiH", broj: 30/97, 7/02, 70/08 i 48/11) Budžet Kantona će izvršiti pokriće deficita Zavoda zdravstvenog osiguranja.

Član 9.

Ovaj Finansijski plan stupa na snagu danom donošenja Odluke Skupštine Zeničko – dobojskog kantona o davanju saglasnosti na isti, a primjenjivat će se od 01.01.2015. godine i objavit će se u Službenim novinama Zeničko – dobojskog kantona.

Broj: 01-100-17-223/15
Zenica, 31.01.2015. god.

PREDSJEDNIK
UPRAVNOG ODBORA

Jasmin Mahmutović, dipl.pravnik

Na osnovu člana 16. stav 4. Zakona o Vladi Zeničko-dobojskog kantona – Prečišćen tekst ("Službene novine Zeničko-dobojskog kantona" broj 7/10), a u vezi sa članom 133. stav 2. Poslovnika Skupštine Zeničko-dobojskog kantona-Prečišćen tekst ("Službene novine Zeničko-dobojskog kantona" broj 12/09, 19/09, 5/10-isp. i 03/12), Vlada Zeničko-dobojskog kantona na 2. sjednici, održanoj dana 23.03.2015. godine, d o n o s i

ZAKLJUČAK

I

Vlada Zeničko-dobojskog kantona utvrđuje Amandman I na Prijedlog Odluke o davanju saglasnosti na Finansijski plan Zavoda zdravstvenog osiguranja Zeničko-dobojskog kantona za 2015. godinu, kako glasi:

AMANDMAN I

U preambuli Prijedloga Odluke o davanju saglasnosti na Finansijski plan Zavoda zdravstvenog osiguranja Zeničko-dobojskog kantona za 2015. godinu, u trećem redu u tekstu u zagradi, iza broja **09/14** veznik "i" se briše, a tekst u zagradi " **13/14**" se zamjenjuje novim tekstom koji glasi ", **13/14 i 8/15**".

II

Zaključak stupa na snagu danom donošenja.

Broj: 02-_____/15
Datum, 23.03.2015. godine
Z e n i c a

PREMIJER

Miralem Galijašević

DOSTAVLJENO:

1x Ministarstvo zdravstva,
1 x Stručna služba Vlade,
1x Stručna služba Skupštine,
1x a/a.

Obrazloženje

Pravni osnov za donošenje predloženog akta je sadržan u članu 16.stav 4 Zakona o Vladi Zeničko-dobojskog kantona kojim je regulisano da se zaključkom utvrđuju stavovi o pitanjima od značaja za provođenje utvrđene politike.

Razlozi za donošenje predloženog amandmana sadržani su u potrebi da se u preambuli prijedloga Odluke o kojem se daje saglasnost na Finansijski plan Zavoda zdravstvenog osiguranja Zeničko-dobojskog kantona za 2015. godinu, doda zadnji broj Službenih novina Federacije BiH u kojima je objavljen Zakon o izmjenama i dopunama Zakona o budžetima u Federaciji Bosne i Hercegovine i to 8/15.

Finansijska sredstva za realizaciju ovog zaključka nisu potrebna.

Na osnovu člana 27. stav 2. Zakona o budžetima u Federaciji Bosne i Hercegovine ("Službene novine Federacije BiH", broj: 102/13, 9/14, 13/14), člana 82. i 103. Zakona o zdravstvenom osiguranju Federacije BiH ("Službene novine Federacije BiH", broj 30/97, 7/02, 70/08 i 48/11) i člana 44. Statuta Zavoda zdravstvenog osiguranja Zeničko-dobojskog kantona, Upravni odbor Zavoda zdravstvenog osiguranja Zeničko-dobojskog kantona na sedamnaestoj sjednici održanoj 31.01.2015. godine donosi:

O D L U K U
o načinu izvršenja Finansijskog plana
Zavoda zdravstvenog osiguranja Zeničko-dobojskog kantona za 2015. godinu

I Opće odredbe

Član 1.

Ovom Odlukom utvrđuje se način izvršavanja Finansijskog plana Zavoda zdravstvenog osiguranja Zeničko-dobojskog kantona za 2015. godinu (u daljem tekstu: Finansijski plan), kao i struktura prihoda, rashoda i izdataka navedenog Finansijskog plana i njihovo izvršavanje, dinamika i prioriteti u plaćanju obaveza, planiranje novčanih tokova i finansijsko izvještavanje.

II Struktura prihoda i rashoda

Član 2.

Finansijski plan Zavoda zdravstvenog osiguranja (u daljem tekstu: Zavod) sastoji se iz dva dijela i to:

- Opći dio Finansijskog plana,
- Posebni dio Finansijskog plana.

Član 3.

Finansijski plan Zavoda sastoji se od plana prihoda po izvorima, sredstava i rashoda po namjenama, sa obrazloženjem rasporeda rashoda po namjenama, sa obrazloženjima rasporeda rashoda po pojedinim programima zdravstvene zaštite koji se finansiraju iz obaveznog zdravstvenog osiguranja.

Član 4.

Planirani prihodi Zavoda po izvorima sredstava ostvarivaće se u skladu sa Zakonom o zdravstvenom osiguranju ("Službene novine Federacije BiH" broj: 30/97, 7/02, 70/08, i 48/11), Zakona o doprinosima ("Službene novine Federacije BiH, broj: 35/98, 54/00, 16/01, 37/01, 1/02, 17/06, i 14/08), Odlukom o osnovicama i stopama doprinosa za obavezno zdravstveno osiguranje za Zeničko-dobojski kanton ("Službene novine Zeničko-dobojskog kantona" broj 12/13) i drugim propisima koji regulišu ovu oblast, kao i ostalim mjerama i

izvorima koji proizilaze iz opštih nadležnosti kako samog Zavoda, tako i drugih subjekata koji direktno ili indirektno učestvuju u istom.

Plan prihoda sastoji se od:

- prihoda od doprinosa za obavezno zdravstveno osiguranje utvrđenih Zakonom o doprinosima,
- prihoda od doprinosa za obavezno zdravstveno osiguranje-korisnici penzija,
- prihoda od doprinosa za obavezno zdravstveno osiguranje - nezaposlena lica,
- prihoda od doprinosa za obavezno zdravstveno osiguranje - budžet kantona,
- prihod od povremenog obavljanja samostalne djelatnosti i samostalnog rada,
- prihod od doprinosa za zdravstvenu zaštitu ino penzionera,
- vlastitih prihoda,
- i ostalih neporeznih prihoda.

Plan rashoda sastoji se od:

- rashoda za finansiranje zdravstvene zaštite,
- rashodi za finansiranje rada Stručne službe Zavoda (bruto plaća sa pripadajućim porezima i doprinosima) i ostalih prava iz radnog odnosa uposlenika Zavoda, te materijalnih i ostalih troškova Stručne službe Zavoda,
- tekuća rezerva,
- kapitalnih izdataka.

III Izvršenje Finansijskog plana

Član 5.

Sredstva iz Finansijskog plana se mogu koristiti samo do visine predviđene za njihove namjene u posebnom dijelu Finansijskog plana.

Na osnovu člana 59. Zakona o budžetu ("Sl.novine Federacije BiH" br: 102/13) Upravni odbor uz saglasnost Ministarstva zdravstva Zeničko-dobojskog kantona može na prijedlog Direktora Zavoda odlučiti da se nedovoljno predviđeni izdaci podmire (povećaju) iz ušteda odnosno smanjenjem sredstava na drugim stavkama u okviru odobrenog Finansijskog plana, a najviše do 10 % ukupnih rashoda utvrđenih Finansijskim planom.

Ukoliko se preraspodjelom sredstava ne mogu pokriti prekoračenja u skladu sa stavom 2. ovog člana, Upravni odbor Zavoda može donijeti odluku da se prekoračenja na stavkama pokriju iz tekuće rezerve.

Sredstva tekuće rezerve koriste se za vanredne (hitne i nepredviđene) slučajeve koji se:

- nisu mogli predvidjeti tokom procesa planiranja i izrade Finansijskog plana,
- nisu mogle biti odložene za narednu godinu i
- nisu mogle biti finansirane putem transfera ili preraspodjelom u okviru postojećeg Finansijskog plana.

U slučaju većih odstupanja i smanjene likvidnosti Zavoda, Direktor na prijedlog Službe za finansije i računovodstvo, poduzima mjere na uravnoteženju Finansijskog plana i po potrebi aktivnosti vezane za izmjene i dopune Finansijskog plana. Izmjene i dopune Finansijskog plana provode se po istoj proceduri kao i kod izrade i donošenja Finansijskog plana u skladu sa Zakonom o budžetima u FBiH ("Sl.novine Federacije BiH" br: 102/13).

Član 6.

Finansiranje programa zdravstvene zaštite na teret planiranih rashoda Zavoda vršit će se u skladu s Finansijskim planom i programom zdravstvene zaštite koji se finansira sredstvima Zavoda, a koji obuhvata pružanje zdravstvenih usluga osiguranim licima i nabavku medicinskog materijala i ortopedskih sprava i pomagala.

Finansiranje pružanja zdravstvenih usluga u zdravstvenim ustanovama u Federaciji BiH vršit će se na osnovu zaključenih ugovora između Zavoda i zdravstvenih ustanova.

Transferi sredstava po osnovu finansiranja zdravstvene zaštite u Finansijskom planu Zavoda nalaze se na pozicijama:

- 3.9.4.1. primarna opća zdravstvena zaštita-kanton (ugovori, prevoz kolima hitne pomoći, obrada za IK Zavod za medicinu rada i Zavod za javno zdravstvo (dio za primarnu zdravstvenu zaštitu),
- 3.9.4.2. preventivna zdravstvena zaštita-kanton (papa test),
- 3.9.4.5. konsultativno-specijalistička zdravstvena zaštita u kantonu, obračun sredstava Zavodu za bolesti ovisnosti i Zavodu za javno zdravstvo vrši se na osnovu standarda i normativa,
- 3.9.4.6. bolnička zdravstvena zaštita sekundarnog nivoa-kanton (ugovori, porodi, plućno, stacionarni dio Zavod za bolesti ovisnosti),
- 3.9.4.9. sufinansiranje tercijarne zdravstvene zaštite-kanton (očno, imuno-alergološke usluge, Centar za humanu reprodukciju, biopsija, mikrobiološki testovi, urologija, magnetna rezonanca, onkologija i mikrobiologija).

Sredstva za finansiranje zdravstvene zaštite van kantona usmjerit će se za finansiranje zdravstvene zaštite koja će se pružiti osiguranim licima po osnovu potpisanih Ugovora koje Zavod ima sa zdravstvenim ustanovama.

Zdravstvena zaštita van kantona u Finansijskom planu planirana je na pozicijama;

- 3.9.4.3. konsultativno-specijalistička zdravstvena zaštita van kantona (vanbolničko liječenje KCU Sarajevo, KCU Tuzla i ostali),
- 3.9.4.8. bolnička zdravstvena zaštita tercijarnog nivoa van kantona (bolničko liječenje KCU Sarajevo, KCU Tuzla, citostatici, ostali).

Odluku o utvrđivanju prava za osigurana lica za liječenje van kantona donosi nadležna Komisija koju na prijedlog Direktora imenuje Upravni odbor Zavoda.

Sredstva planirana za finansiranje zdravstvene zaštite na poziciji;

- 3.9.4.4. primarna zdravstvena zaštita štićenika u zavodima i domovima, realizovati će se na osnovu ugovora potpisanih sa socijalno zdravstvenim ustanovama u kojima su smješteni osiguranici Zavoda, na osnovu broja štićenika-osiguranika Zavoda i ugovorenih cijena.

Za usluge medicinske rehabilitacije osiguranih lica planirana su sredstva u Finansijskom planu za 2015. godinu na poziciji;

- 3.9.4.7. zdravstvena zaštita u specijalnim bolnicama-banjsko liječenje (Reumal Fojnica, Aquaterm Olovo, Vrućica Teslić).

Planirana sredstva će se realizovati na osnovu prijedloga nadležnog ljekara specijaliste osiguranog lica, uz odobrenje nadležne Komisije Zavoda.

Sredstva planirana za finansiranje troškova lijekova na poziciji 3.4.2.1. Finansijskog plana realizovat će se na osnovu Odluke o listi lijekova Zeničko-dobojskog kantona koju je

donijela Vlada Kantona ("Sl. novine Zeničko-dobojskog kantona" broj: 12/13).

Lijekovi po posebnom odobrenju planirani u Finansijskom planu na poziciji 3.4.2.2. su lijekovi koje na zahtjev osiguranih lica odobrava Kantonalni ministar zdravstva, a kao takvi imaju uporište u raspoloživim i predviđenim sredstvima Finansijskog plana.

Sredstva planirana za finansiranje ortopedskih i drugih medicinskih pomagala na poziciji 3.4.2.3. Finansijskog plana realizovat će se na osnovu primjene Odluke o obimu prava na korištenje ortopedskih i drugih pomagala, zuboprotetskih pomagala i zubotehničkih nadomjestaka, endoproteza ("Sl. novine Zeničko-dobojskog kantona broj: 04/05) i Odluci o proširenom obimu prava RVI paraplegičara na sanitarno higijenske potrepštine ("Sl. novine Zeničko-dobojskog kantona" broj: 04/05).

Ortopedska i druga medicinska pomagala odobravaju se na prijedlog ljekara specijaliste osiguranog lica, a na teret obaveznog zdravstvenog osiguranja.

Sredstva za liječenje u inostranstvu (konvencije i Odluke Zavoda) na poziciji 3.9.4.10. Finansijskog plana usmjerit će se na pokriće obaveza koje ima Zavod u skladu sa potpisanim međunarodnim ugovorima o socijalnom osiguranju, a koje se odnose na plaćanje utvrđenih paušala za zdravstveno osiguranje lica državljana BiH trajno nastanjenih u inostranstvu i stvarnih troškova liječenja u inostranstvu po osnovu izdatih i propisanih obrazaca osiguranim licima koji privremeno borave u inostranstvu.

Finansiranje liječenja oboljenja u inostranstvu finansirat će se i na osnovu podnesenih zahtjeva osiguranih lica u skladu sa odlukama, opštim i internim aktima Zavoda o pomoći za pokriće troškova liječenja u inostranstvu, za koje je data preporuka nadležnih ljekara (konzilij ljekara) nadležne klinike (UKC Sarajevo, UKC Tuzla), i koje kao takve imaju uporište u finansijskim sredstvima Zavoda.

Član 7.

Tekući transferi zdravstvenim ustanovama i neprofitnim organizacijama na poziciji 5.4. Finansijskog plana je grant koji do 1.500 KM odobrava Direktor Zavoda, a preko 1.500 KM Upravni odbor Zavoda u skladu sa kriterijima za dodjelu sredstava.

Finansijska sredstva predviđena i raspoloživa na ovoj poziciji prati nadležna služba Zavoda, postupajući u skladu sa racionalizacijom, mogućnostima i raspoloživim sredstvima Zavoda, a u cilju utemeljenosti i svrsishodnosti plaćanja i sprječavanju neopravdanih izdataka po navedenom osnovu.

Na pozicija 5.2. u Finansijskom planu za 2015. godinu Zavoda nalazi se ustupljena participacija zdravstvenim ustanovama u kantonu.

Kriterij raspodjele sredstava ostvarenih kroz neposredno učešće osiguranih lica, koje u ime Zavoda naplaćuju ugovorene zdravstvene ustanove u kantonu, definisan je Odlukom o utvrđivanju kriterija za ustupanje dijela sredstava neposrednog učešća osiguranih lica u troškovima korištenja zaštite (participacije), a koju naplaćuju zdravstvene ustanove broj: 01-100-3-33/13, a koju je usvojio Upravni odbor Zavoda.

Odluku o ustupanju sredstava iz stava 3. ovog člana donosi Upravni odbor Zavoda.

Član 8.

Planirana sredstva za isplatu naknada za vrijeme privremene spriječenosti za rad (transferi pojedincima na području zdravstvenog osiguranja-refundacija bolovanja) na poziciji 5.3.

Finansijskog plana realizovati će se po osnovu zahtjeva pravnih i fizičkih lica.

Refundacija naknada bolovanja preko 42 dana predstavlja obavezu Zavoda utvrđenu na osnovu primjene Zakona o zdravstvenoj zaštiti i Pravilnika o refundaciji naknade plate za vrijeme privremene spriječenosti za rad na teret sredstava Zavoda zdravstvenog osiguranja Zeničko dobojskog kantona broj: 01-100-58/13 koji je usvojio Upravni odbor Zavoda, u kojem je definisan postupak i način ostvarivanja ovog prava, te najniži i najviši iznos naknade koju Zavod refundira.

Zavod bilo direktno putem nadležnih službi, stalnih ili povremeneih komisija vrši provjeru opravdanosti, utemeljenosti i svrsishodnosti plaćanja po navedenom osnovu, te u skladu sa svojim ovlaštenjima poduzima neophodne mjere ka racionalizaciji i sprječavanju neopravdanih izdataka po navedenom osnovu.

Član 9.

Izdaci po osnovu drugih samostalnih djelatnosti i povremenog samostalnog rada (Upravni odbor i ljekarske komisije) planirani na poziciji 3.9.6. Finansijskog plana realizovati će se za plaćanje naknada za članove Upravnog odbora i formiranih radnih tijela (ljekarske komisije Zavoda) koje u skladu sa svojim nadležnostima imenuje Direktor Zavoda, te onih koje na prijedlog Direktora imenuje Upravni odbor Zavoda, a kojima se definiše nadležnost i visina naknade koje kao takve imaju uporište u finansijskim sredstvima Zavoda.

Član 10.

Sredstva planirana za kapitalne transfere, troše se u skladu sa Zakonom o javnim nabavkama ("Sl.glasnik BiH" br: 39/14) i planiranim iznosima u Finansijskom planu.

Kapitalni transferi u Finansijskom planu nalaze se na pozicijama:

- 6.1. nabavka namještaja,
- 6.2. nabavka kompjuterske opreme,
- 6.3. nabavka telefonske centrale,
- 6.4. nabavka stalnih sredstava u obliku prava (softver za trezor, licence),
- 6.5. nabavka softvera za informatizaciju zdravstvenog sistema,
- 6.6. rekonstrukcija zgrade.

Namjenjena su u skladu sa Finansijskim planom za nastavak aktivnosti koje provodi Zavod. Rekonstrukcija zgrade je jedna od važnijih stavki prilikom planiranja sredstava za kapitalne transfere u 2015. godini.

Član 11.

Sredstva tekuće rezerve planirana su i koristit će se u skladu sa članom 60. Zakona o budžetima u FBiH ("Sl.novine Federacije BiH" br. 102/13, 9/14, 13/14) i ovom Odlukom.

Član 12.

U skladu sa članom 26. Statuta Zavoda, Direktor zajedno sa šefovima stručnih službi Zavoda, se stara o blagovremenom obezbjeđivanju finansijskih sredstava potrebnih za

spровоđenje obaveznog zdravstvenog osiguranja, o njihovoj upotrebi i zakonitom pravilnom i blagovremenom ostvarivanju prava osiguranih lica u skladu sa mogućnostima, planiranim i raspoloživim sredstvima.

Naloge za izvršavanje Finansijskog plana daje Direktor Zavoda i nadležne stručne službe u skladu sa svojim ovlaštenjima.

IV Dinamika plaćanja

Član 13.

Služba za finansijske i računovodstvene poslove Zavoda je nadležna da će redovno pratiti ostvarivanje prihoda, rashoda i izdataka utvrđenih u Finansijskom planu za 2015. godinu i vršiti izvještavanje prema nadležnim institucijama u skladu sa Pravilnikom o finansijskom izvještavanju i godišnjem obračunu budžeta u Federaciji BiH ("Sl.novine Federacije BiH" br: 69/14).

Član 14.

Finansijski plan će se izvršavati po slijedećim prioritetima:

- izvršenje Ugovora sa zdravstvenim ustanovama sa kojima Zavoda ima zaključen ugovor,
- izdaci za nabavku lijekova, ortopedskih sprava i pomagala i refundacija naknada plaća ,
- plaće, doprinosi, porezi i naknade zaposlenih,
- naknade članovima ljeekarskih komisija i Upravnog odbora,
- ostali materijalni troškovi za Stručnu službu,
- kapitalni izdaci i
- ostalo.

U slučaju nelikvidnosti plaćanje će se vršiti prema redoslijedu dospijea obaveza, a na osnovu plana novčanih tokova.

Član 15.

Zavod će vršiti redovne, periodične i ciljane kontrole pojedinih rashodovnih stavki, a u cilju pozitivnog poslovanja svih učesnika u zdravstvenom sistemu.

Zavod će u saradnji sa drugim nadležnim organima provoditi mjere sprječavanja potencijalnih nezakonitosti i nepravilnosti, te preventivnog djelovanja po svim segmentima poslovanja.

Zavod će pratiti i usklađivati svoje poslovanje sa novim zakonskim i podzakonskim odredbama koje se direktno ili indirektno odnose na poslovanje istog.

Istovremeno Zavod će imajući u vidu stepen važnosti kao centralna institucija finansiranja zdravstvenog sistema, zahtijevat, prisustvo svojih internih i/ili eksternih uposlenika i saradnika u svim komisijama i tijelima koji rade na pripremanju akata bilo kojeg formata, čije donošenje kao takvo može imati direktan ili indirektan efekat na poslovanje Zavoda, a posebno na Finansijski plan

V Finansijsko izvještavanje

Član 16.

Zavod će vršiti finansijsko izvještavanje u skladu sa odredbama i rokovima utvrđenim Pravilnikom o finansijskom izvještavanju i Godišnjem obračunu budžeta u Federaciji BiH ("Sl.novine Federacije BiH" broj: 69/14).

Stručna služba Zavoda će podnijeti Upravnom odboru kvartalne i polugodišnje izvještaje o izvršenju Finansijskog plana sa detaljnim obrazloženjima o ostvarenim prihodima i rashodima sa prijedlozima mjera u cilju postizanja pozitivnog finansijskog rezultata, odnosno ostvarenja planiranih prihoda za izvršenje planiranih rashoda.

Stručna služba Zavoda će podnijeti Upravnom odboru godišnji obračun i izvještaj o izvršenju Finansijskog plana sa detaljnim obrazloženjima prije roka za dostavu istog nadležnoj instituciji (Vladi Zeničko-dobojskog kantona), na usvajanje.

Služba za finansijske i računovodstvene poslove sačinjavat će mjesečne i kvartalne informacije o izvršenom obimu vrijednosti ugovorenih usluga, iskazanim troškovima za lijekove, ortopedske sprave i pomagala i ostale rashode koji budu u odstupanju izvršenja u odnosu na planirana sredstva u Finansijskom planu, a sve radi eventualnog poduzimanja mjera na usklađivanju ostvarenja u odnosu na plan.

Član 17.

Na sva pitanja koja nisu regulisana ovom Odlukom, a tiču se načina izrade, donošenja, izvršavanja i izvršenja Finansijskog plana za 2015. godinu primjenjivat će se odredbe Zakona o budžetima Federacije BiH.

Član 18.

Finansijskim planom Zavoda zdravstvenog osiguranja Zeničko-dobojskog kantona za 2015. godinu, prihodi su uravnoteženi sa planiranim rashodima i izdacima.

Član 19.

Ova Odluka stupa na snagu narednog dana od dana usvajanja od strane Upravnog odbora i dobivanja saglasnosti na Skupštini Zeničko-dobojskog kantona, a odnosit će se na fiskalnu 2015.godinu.

Broj: 01-100-17-224/15. godina
Zenica, 31.01.2015. godine

DOSTAVLJENO:

1 x Direktor Zavoda,
1 x Pomoćnik direktora,
2 x Služba za pravne i opće poslove (U.O.),
1 x Služba za sprovođenje zdravst.osiguranja
i analitičko – planske poslove,
1 x Služba za finansijsko – računovodstvene poslove,
1 x a/a.

**PREDSJEDNIK
UPRAVNOG ODBORA**

Jasmin Mahmutović, dipl.pravnik